

SERENISSIMO PRINCIPI
XAVERIO AUGUSTO,
ALBERTO,
POTENTISSIMI POLONIAE REGIS,
E T
ELECTORIS SAXONICI
A U G U S T I I I .
FILIO SECUNDOGENITO.



Magnificentissimo Patri tuo Regi Tomum I. Operis
hujus; amabilissimo Fratri tuo majori natu alterum sacravi;
Tertium nunc Tibi, SERENISSIME PRINCEPS, animo ve-
nerabundo oblatum volo. Quod enim obsequium summum erga
universam Regiam Familiam vestram profiteor, qua feliciorem,
moribusque suavissimis magis ornatam nemo ostendat, hoc sin-
gulis tanti Regis Filiis peculiari aliquo munusculo significare
statutum mihi fuit. Equidein novi, Te quoque Literarum amo-
re teneri, Te in variis Linguis addiscendis impigrum esse, tui-
que ingenii atque elegantiae non unum specimen jam dedisse in
Schola, in Dramatis intra penetralia Regiae domus recitandis,
in colloquiis etiam ex improviso oblatis. At simul compertum
habeo, Celsitudinem tuam in arma ferventius ferri, timpano-
rum fragore, militarium ordinum ac certaminum aspectu p[re]a
ceteris spectaculis delectari. Eiusmodi sane oblectamenta, mea
quoque sententiâ, quamquam hominis a belli specie omnino
aversi, tantum Principem decent, immo in Te maxime com-
mendanda sunt. Nam quum Nobilibus quibusvis consentaneum
sit gloriam sibi ab armis comparare, quanto magis idem studium
in Regum Principumque Filiis laudetur, quos ad regendos
exercitus in tutelam Patriae, in reliquorum exemplum, subli-
mior natalium dignitas atque majestas educaffe videtur?

Unum tamen, eximie PRINCEPS, negligendum tibi non
esse, qui bellicarum rerum peritiores sunt, jamdiu sensere. Utique
Tom. III. * vel